

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA SREBRENİK**  
**- Općinski načelnik-**

Broj: 07-4510/17

Datum, 22. 01. 2018. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o privremenom finansiranju Općine Srebrenik, („Službeni glasnik općine Srebrenik, broj: 11/17), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-4510/17 od 22.01.2018. godine, u postupku javne nabavke Kancelarijskog materijala za 2018. godinu, je d o n i o:

**O D L U K U**  
**O IZBORU NAJPOVOLJNIJEG PONUĐAČA**

**I**

Prihvata se preporuka Komisije za javnu nabavku, broj: 07-4510/17 od 22.01.2018. godine i Ugovor za javnu nabavku **Kancelarijskog materijala za 2018. godinu**, dodjeljuje se ponuđaču **AERO EXCLUSIVE DOO PJ Tuzla**, ponuda broj: 401-XII/17 od 25. 12. 2017. godine, za ponuđenu cijenu nakon završene e-aukcije u iznosu od **14.727,36 KM sa PDV-om**, kao prihvatljivu.

**II**

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 07-4510/17 od 13.12.2017. godine.

Javna nabavka je sprovedena Konkurentskim zahtjevom za dostavu ponuda broj: 07-4510/17 od 13.12.2017. godine i Odlukom o izmjeni i dopuni Konkurentskog zahtjeva broj: 07-4510/17 od 17.12.2017. godine.

Procijenjena vrijednost javne nabavke bez PDV-a je 12.820,51 KM.

Obavještenje o nabavci broj: 761-7-1-126-3-89/17 poslato je na objavljivanje dana 14.12.2017. godine, a objavljeno je na Portalu javnih nabavki dana 14.12.2017. godine.

Komisija za javnu nabavku imenovana je Rješenjem broj: 07-4510/17 od 14.12.2017. godine. Ponude po Konkurentskom zahtjevu za predmetnu nabavku su dostavili slijedeći ponuđači:

1. DOO DEFTER Sarajevo, u ukupnom iznosu od 15.850,15 KM bez PDV-a, i
2. AERO EXCLUSIVE DOO PJ Tuzla, u ukupnom iznosu od 12.514,68 KM bez PDV-a.

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača DOO DEFTER Sarajevo i AERO EXCLUSIVE DOO PJ Tuzla, Komisija je konstatovala da su iste potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

Komisija je utvrdila računsku grešku u specifikaciji ponude kod ponuđača DOO DEFTER Sarajevo, i to na strani 8 ponude: tačka 33 specifikacije (Jastuče za pečat-metalno tijelo boja plava

najveći format), gdje je upisana jedinična cijena od **3,00 KM** pomnožena sa količinom od **20 kom** bi trebalo da daje proizvod od **60,00 KM** bez PDV-a, a u Vašoj ponudi je ponuđena cijena od **20,80 KM** bez PDV-a.

Zbrajanjem podiznosa ponuđenih u specifikaciji, dobije se ukupan zbir od **15.889,35 KM** bez PDV-a, umjesto ponuđenih **15.850,15 KM** bez PDV-a, pa bi ukupna cijena ponude u specifikaciji kancelarijskog materijala za 2018. godinu, obrascu za ponudu i obrascu za cijenu trebala biti **15.889,35 KM** bez PDV-a, umjesto upisane **15.850,15 KM** bez PDV-a.

Ugovorni organ je u aktu broj: 07-4510/17 od 28. 12. 2017. godine, tražio od ponuđača DOO DEFTER Sarajevo saglasnost na ispravku računске greške.

Ponuđač je u aktu od 29. 12. 2017. godine, dao saglasnost na ispravku računске greške.

Komisija je utvrdila računsku grešku u specifikaciji ponude i kod ponuđača AERO EXCLUSIVE DOO PJ Tuzla, i to na strani 6 ponude: tačka 44 specifikacije (Paus papir A-3 – pakovanje 500 lista), gdje je upisana jedinična cijena od **72,80 KM** pomnožena sa količinom od **3 pak** bi trebalo da daje proizvod od **218,40 KM** bez PDV-a, a u ponudi je ponuđena cijena od **145,60 KM** bez PDV-a.

Zbrajanjem podiznosa ponuđenih u specifikaciji, dobije se ukupan zbir od **12.587,48 KM** bez PDV-a, umjesto ponuđenih **12.514,68 KM** bez PDV-a, pa bi ukupna cijena ponude u specifikaciji kancelarijskog materijala za 2018. godinu, obrascu za ponudu i obrascu za cijenu trebala biti **12.587,48 KM** bez PDV-a, umjesto upisane **12.514,68 KM** bez PDV-a.

Ugovorni organ je u aktu broj: 07-4510/17 od 28. 12. 2017. godine, tražio od ponuđača AERO EXCLUSIVE DOO PJ Tuzla saglasnost na ispravku računске greške.

Ponuđač je u aktu broj: 402-XII/2017 od 28. 12. 2017. godine, dao saglasnost na ispravku računске greške.

Kako je cijena ponude ponuđača AERO EXCLUSIVE DOO PJ Tuzla za više od 20% niža od cijene ponude ponuđača DEFTER DOO Sarajevo, Ugovorni organ je u aktu broj: 07-4510/17 od 28. 12. 2017. godine, a u skladu sa članom 66. Zakona o javnim nabavkama BiH («Službeni glasnik BiH», broj 39/14) i članom 17. Uputstva za pripremu modela tenderske dokumentacije i ponuda («Službeni glasnik BiH», broj 90/14 i 20/15) tražio od ponuđača AERO EXCLUSIVE DOO PJ Tuzla obrazloženje ponuđene cijene.

Ponuđač je u aktu broj: 401-XII/2017 od 29. 12. 2017. godine, dostavio obrazloženje cijene ponude, a koje je komisija prihvatila.

Ugovorni organ je u obavještenju o nabavci i Konkurentskom zahtjevu predvidio provođenje e-aukcije, te je zakazana e-aukcija za dan 05.01.2018. godine u 10,00 sati.

Nakon završetka e-aukcije za predmetnu nabavku, konačna rang lista ponuđača koji su učestvovali u e-aukciji i konačne cijene ponuda su sljedeće:

1. AERO EXCLUSIVE DOO PJ Tuzla, u ukupnom iznosu od 12.587,48 KM bez PDV-a,
2. DEFTER DOO Sarajevo, u ukupnom iznosu od 15.889,35 KM bez PDV-a.

Ponuđač AERO EXCLUSIVE DOO PJ Tuzla je na osnovu akta Komisije broj: 07-4510/17 od 16. 01. 2018. godine dostavio uzorke zahtijevanih roba, a kako je to propisano u tački 2.1. Konkurentskog zahtjeva broj: 07-4510/17 od 13.12.2017. godine.

Komisija konstatuje da je ponuđač AERO EXCLUSIVE DOO PJ Tuzla dostavio sve tražene uzorke robe, a koji su prihvatljivi za ugovorni organ.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I ove odluke.

**POUKA O PRAVNOM LIJEKU:**

Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



**OPĆINSKI NAČELNIK**

**Dž. sci. Nihad Omerović**